


Ibuku rĩa Ngai kũrĩ ciana nĩrĩrakũrehera



Igũrũ, mũciĩ mũthaka wa Ngai



Rwandĩkĩtwo nĩ: Edward Hughes

Rũthathaurĩtwo nĩ: Lazarus

Rũtaurĩtwo nĩ: Christian Lingua

Rũharĩrĩrio nĩ: Sarah S.

Rũgano rwa mĩrongo itandatũ harĩ ng'ano mĩrongo itandatũ

www.M1914.org

Bible for Children, PO Box 3, Winnipeg, MB R3C 2G1 Canada

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.

Gĩkũyũ


Kikuyu

Rĩrĩa Jesũ aatũraga thĩ, nĩerire arutwo ake ũhoro
wĩgĩĩ igũrũ. Agĩgwĩta "nyũmba ya Baba", na akĩmera
atĩ kũu kwĩ nyũmba nyingĩ, nene
na thaka mũno. Igũrũ nĩ
gũthaka mũno makĩria,
gũkĩra gũkũ
tũtũraga thĩno.



1

Jesũ akiuga, "Nĩngũthĩĩ kũmũharĩrĩria gĩkaro. Na
ndamũthondekera gĩkaro kũu, nĩngacooka ndĩmũnyite
ũgeni kuo." Jesũ nĩambatire igũrũ thutha wa kũriũka
kuma kũrĩ akuũ. Ambatirio arutwo ake
mamwĩroreire, itu rĩkĩmwamũkĩra,
makĩremwo
nĩkũmuona
rĩngĩ.



2

Kuma hĩndĩ ĩyo, arũmĩrĩri a Kristũ nĩmaririkanaga kĩrĩkanĩro kĩa Jesũ gĩa gũkanacooka kũmagĩra. Jesũ oigire nĩagacoka rĩrĩa aterĩgĩrĩrwo.


Gũkahuanĩka atĩa hiihi kũrĩ arĩa magakorwo makuĩte atocokete?

Ibuku rĩa Ngai riugaga atĩ magathĩ rĩmwe kwa rĩmwe gũtũranie na Jesũ.

Gũkorwo mũndũ atarĩ thĩinĩ wa mwĩrĩ,

nĩgũkorwo e hamwe na Mwathani.


HAMWE NA
MWATHANI



3


Kũguũrĩrio, arĩrĩo ibuku rĩa mũico thĩinĩ wa Ibuku rĩa Ngai, rĩtwĩraga ũrĩa igũrũ gwĩ kwa magegania.

Ūndũ ũrĩa wa kũgegania mũno makĩria nĩ atĩ, na njĩra ya mwanya, igũrũ nĩkuo mũcĩĩ kwa Ngai. Ngai arĩ kũndũ guothe, no gĩtĩ gĩa ke kĩa ũthamaki kĩrĩ igũrũ.



4

Araika o hamwe na ciũmbe ingĩ cirĩ muoyo matũraga mathathayagia Ngai kũu igũrũ. O ũguo noguo andũ a Ngai othe arĩa marĩkĩtie gũkua na magathĩ igũrũ mekaga. Mainagĩra Ngai nyĩmbo cia mwanya cia kũmũgoca.




5

Ici nĩ ciugo imwe cia rwĩmbo rũmwe rũrĩa mainaga:


WE NĨWAGĨRĨIRE NĨTONDŪ NĨŪTŪKŪRĨITE
ŪGATŪHEANA KŪRĨ NGAI NA
NJĨRA YA THAKAME YAKU,
KUMA NDŪRĨRĨ CIOTHE
NA MABŪRŪRI MOTHE NA
ŪGATŪTUA ATHAMAKI NA
ATHĨNJĪRI
A NGAI
WITŪ.

(Kũguũrĩrio
5:9)




6

Ibuku rĩa Ngai rĩkĩrĩkĩrĩria, rĩtarĩirie igũrĩ ta "Jerusalemu Njerũ". Nĩ itũra inene mũno rĩthiũrũrũkĩirio nĩ rũthingo rũnene. Rũthingo rũu nĩ rwa mahiga metagwo jasiperi na rũhuana ta gĩcicio gĩtheru biũ.




7

Mũthingi wa rũthingo rũu wagemetio na mahiga ma goro mũno mahenahenagia marĩ ma marangi mathaka mũno. O kĩingĩrĩro kĩa itũra rũu gĩathondeketwo kuuma kwĩ ihiga inene biũ rĩa ruuru!




8

Cingĩrĩro icio cia ruuru citihingagwo. Reke tũingĩre kuo twĩyonere ... HAIYA! Igũrũ nĩ gũthaka mũno thĩiniĩ ona gũkĩra nanja. Itũra rĩu rĩakĩtwo na thahabu ĩrĩa theru biũ ĩrĩa ĩhuana ta gĩcicio gĩtheru. Ona njĩra yarĩo yakĩĩtwo na thahabu.




9

Rũĩĩ rũthaka na rũtheru mũno rwa maĩ ma muoyo rũthereraga kuma gĩĩiniĩ kĩa ũthamaki kĩa Ngai. Na mũena yothe ĩĩrĩ ya rũĩĩ rũu hena mũtĩ wa muoyo, ũrĩa twaiguire ũhoru waguo mũgũndainĩ wa Edeni. Mũtĩ ũyũ nĩwa mwanya mũno. Ūciaraga matunda ma mũthembe ikũmi na ĩĩrĩ, o mũthemba mwanya, mweri o mweri. Na mahuti ma mũtĩ ũcio wa muoyo nĩmakũhonia mabũrũri.




10

Igũrũ gũtibataranagia ũtheri wa riũa kana mweri. Riiri wa Ngai we mwene ũiyũragia itũra rĩu na ũtheri wa magegania. Kũu gũtitukaga.



11


Ona nyamũ iria irĩ kũu igũrũ nĩ cia mwanya. Ciothe nĩ horeri na nĩciendanĩte. Mĩthige na tũgondũ irĩaga nyeki ciĩ hamwe. Ona mũrũthi ĩrĩa mũnene ĩrĩaga nyeki ta ng'ombe. Mwathani oigĩte, "Itigatihania kana ciũragane kĩrĩmainĩ gĩakwa kĩrĩa gĩtheru."



12

O tũgĩthĩĩ na mbere kwĩrorera, kwĩ na indo tũtarona kũu igũrũ.

Gũtirĩ ciugo cia marakara ciiguĩkanaga kuo. Gũtirĩ mũndũ ũraharana kana akeenda. Gũtirĩ makuburi mũrangoinĩ,



nĩtondũ igũrũ gũtirĩ aici. Ningĩ gũtirĩ andũ arĩa maragia maheni, oragani, arogi, kana eki naĩ a mũthemba ũngĩ o wothe. Gũtirĩ wĩhia o wothe kũu igũrũ.

13

Kũu igũrũ kwa Ngai gũtirĩ kũrĩra rĩngĩ. Rĩmwe andũ a Ngai nĩmarĩraga nĩtondũ wa kĩaha kĩngĩ kĩrĩa menakĩo mũtũrĩreiniĩ ũyũ. Makinya igũrũ, Ngai nĩakamagiria maithori mothe.



14

Ningĩ igũrũ gũtirĩ gĩkuo. Andũ a Ngai magatũũra na Mwathani tene na tene. Gũtirĩ kĩahe, gũtirĩ kũrĩra ona kana kuigua ruo rĩngĩ. Gũtirĩ mĩrimũ, gũtirĩ gũtigana, ona kana mathiko. O mũndũ o wothe kũu igũrũ nĩmũkenu hĩndĩ ciothe, nĩtondũ wagũtũrania na Ngai.



15

Igũrũ rĩa mothe, igũrũ nĩ gwa tũhĩ na tũirĩtu (ona ningĩ andũ agima) tũrĩa twĩtĩkĩtie Jesũ Kristũ ta Mũhonokia watuo na tũkamwathĩkĩra ta Mwathani watuo. Kũu igũrũ nĩkũrĩ ibuku rĩtagwo ibuku rĩa Gatũrũme rĩa Muoyo. Rĩiyũrite marĩtwa ma andũ. Nĩũ marĩtwa ma andũ arĩa mandĩkĩtwo ibukuĩnĩ rĩu? Andũ arĩa othe mehokete Jesũ. Rĩtwa rĩaku rĩho?



16

Ciugo cia mũico cia Ibuku rĩa Ngai iria ciarĩtie ũhoru wa igũrũ, nĩ cia kũnyita andũ ũgeni na nĩĩra nene. "Nake Roho na mũhiki marauga, 'ũka!' Reke ũrĩa ũkũigua oige, 'ũka!' Reke ũrĩa mũnyotu ooke. Na ũrĩa wothe ũkwĩrĩrĩra, reke atahie maĩ ma muoyo hatarĩ marĩhi."



17

Igũrũ, mũcĩ mũthaka wa Ngai

Rũgano kuma Kiugoinĩ kĩa Ngai,
kĩrĩa kĩ Ibukuĩnĩ rĩa Ngai,

rũrĩ thĩinĩ wa

Johana 14; Akorintho wa Kerĩ 5;
Kũguũrĩrio 4, 21, 22

"Ciugo Ciaku ciatarĩrio nĩrehaga ũtheri."
Thaburi 119:130



Ngai nĩoĩ atĩ nĩtwĩkĩte maũndũ moru,
marĩa etaga mehia. Mũcara wa mehia nĩ gĩkuũ.

Ngai nĩatwendeta mũno makĩria nginya agĩtũma
Mũrũ wake, Jesũ, akue mũtharabainĩ nĩguo arĩhe
thiirĩ witũ. Jesũ nĩariũkire na agĩcoka igũrũ!
Rĩu Ngai no atuohere mehia maitũ.

Angĩkorwo no wende kũgarũrũka kuma mehiainĩ
maku, ĩra Ngai ũũ: We Ngai ũnyendete, nĩndetĩkia atĩ
Jesũ akuire nĩtondũ wakwa, na rĩu e muoyo. Nĩndakũhoyo
ũũke mũtũrĩreinĩ wakwa na ũnjohere mehia makwa, nĩguo
kuma rĩu ngĩe na muoyo mwerũ, na thutha ngatũrania
nawe tene na tene. Ndeithia gũgũtũrĩra ndĩta
mwana waku. Nĩgũtũrĩke ũguo. Johana 3:16

Thoma Ibuku rĩa Ngai na waranagĩrie
nake o mũthenya o mũthenya!